

Skægkræ



Skægkræ sunaana?

Sullineq mikisoq skægkræ (*Ctenolepisma longicaudata*) sølvfisk-mut ilaqutaavoq. Skægkræ-li allaaneruvoq – innarliisinnaanerugami.

Skægkræ qanoq isikkoqarpa?

Skægkræ centimeter-it marluk angullugu takitigilersinnaavoq. Taassuma saniatigut niaquata naalaani pamiuanilu nujaasaqarlutik, timaatut takitigilersinnaasut. Sullineq taanna sullineqatinilu amerlasuukkaarlutik inuusarput aammalu init kialaartut najussallugit iluarisarlugit.

Skægkræ imal. sølvfisk

Inigisami skægkræ-qalersimagaanni, sølvfisk-enut sanilliullugu iluaanneruvoq. Skægkræ-t amerliartupallattarput – aammalu nungusaruminaassinnaasarlutik.

-Skægkræ-t ajoqutaasinnaaneri annertusinnaapput. Annerusumik ajoqusiineq ajorput, sølvfisk-inut sanilliullugit illup iluani siaruaatipallassinnaasarput, atuagaasiviit tunuini, skab-iit iluini nerisassanilu pulatertarlutik

Akiornissaannut innersuutit / Skægkræ suna iluarinngilaa?

Skægkræ sumi uumasuugajuppa

Sullerngit taakku init kialaartuut, panertut taartullu najussallugit iluarisarpaat, soorlu ikersisimanerni, iikkani, inini mikisuni ilisivinnilu. Inigisami immikkut akeraqanngillat, illullu oqorsaataani toqqorsimasinnaasarlutik.

Skægkræ toqqorsimallaqqittuupput, alliertoraangamillu arlalinnik aqqusaagassaqartarput, aammalu mikisuu-sinnaallutik. Taamaattumik sumi tamanut pulatersinnaasarlutik, paasiuminaassinnaasarlunilu sumerpiaq inuunersut.

Siniffimmi skægkræ

Sølvfisk-inut sanilliullugit skægkræ-t amerlasuukkaarlutik uumasuugajupput, aammalu inuit isersimaffigisartaagaani piusarlutik. Assullu sinittarfiit inillu najussallugit nuannarisarlugit.

Skægkræ suna inuussutigaa?

Sullerngit taakku nerisassat soorlu qajuusat, qaqortuliat iffiallu seqummai sukkullu nuannarisaraat. Aammalu naasut sullerngillu allat nerisakut pappiaqqallu uumassutigisinnaallugit, taamaattumik eqqiaalluarnikkut sullerngit taakku ingalassimaartinneqarsinnaapput. Ajoraluartumik inigisanni perlersiaralugit nungusarsinnaangilatit, qaammatit qulingiluat nerisaqaratik uumasinnaasaramik.

Skægkræ kiisarpa?

Skægkræ kiisineq ajorput.

Skægkræ ulorianarpat?

Sullerngit taakku inigisamiilersimappata iluaassinnaavoq, illup iluani angalaaleraangata. Skægkræ peqqissutimut ulorianartorsiortitsineq ajorput, inigisannilu ajoquisiinnaagatik. Ajornartorsiut annerpaagajuppoq takussaaleraangata, taqassinartuummata.

Skægkræ akiorneqarsinnaappat?

Skægkræ-nut ajornartorsiut unaavoq sukkasuumik kinguaassiortarmata. Sullerngit taakku inigisamiileraangata, nungusarnissaat ajornakusoorsinnaasarpoq. Pingaaruteqarpoq sullinernik nungusaanermik sulialinnut attaveqarnissat piaartumik, sullerngit taakku inigisanniilersimappata, nungusarnissaat piaartumik aallartisarneqarniassamat, ajornartorsiut allivallaannginnerani.

Skægkræ-nut toqunartoq

Skægkræ-nut tunngatillugu ilisimatuut isumaqatigiissutigaa, tassa nammineeirluni toqunartut atorlugit akiornissaat innersuunnanngimmat. Tassami sullerngit kisiisa pinnagit inuit aamma peqqinnikkut innarlerneqarsinnaammata. Aatsaat qaqutigut aammalu ajornartorsiut allivallaarsimappat, toqunartoq atorlugu nungusarneqarsinnaapput, taamaattoqassappallu tamakkuningga sulialinnut/ilisimasalinnut suliarineqartariaqarluni.

Uku periutit atorlugit aamma nungusarsinnaavatit

1. Akulikitsumik støvsugertarit! Ingammik quppat ikersisimanerillug mininnagit – assersuutigalugu natit akorngi – iluamik pissagakkit. Støvsuger-ineq Skægkræ piiarnissaannut iluaqutaasarpoq, kisiannili nunguvinneqarsinnaagajugatik. Eqqaamallugu støvsuge-reerneruk kingorna puussiartaata iginnissaa, sullerngit taakku siaruaateqqinnginnissaat anguniarlugu.
2. Nerisassat sullinerniit taakkunanga tikinneqarnissaat pinaveersaatiguk. Skægkræ suna tamapajaaq inuussutigisinnaagamikku , soorlu atuakkat aviisit nerisassallu puukkit silaannarmik pitarneqarsinnaanngitsunik.
3. Ikersisimanerit aamma misilillugit matoorsinnaavatit, soorlu silikone imal. Akryl fugemasse-mik. Sullerngit tamakkunani toqqorsimasinnaasarmata.